



Republika e Kosovës – Republika Kosova  
Paneli Zgjedhor për Ankesa dhe Parashtresa  
Izborni Panel za Žalbe i Predstavke

Anr.264/2019

**Paneli Zgjedhor për Ankesa dhe Parashtresa (PZAP)**, në panelin e përbërë nga gjyqtarët: Fejzullah Rexhepi kryesues, Rustem Thaqi dhe Ferki Xhaferi anëtarë, me pjesmarrjen e zyrtares ligjore Vlerona Maliqi, duke vendosur përkitazi me ankesën e Organizatës Joqeveritare BIRN dhe Internews Kosova, me seli në Prishtinë, paraqitur kundër koalicionit NISMA-AKR-PD, me seli në Prishtinë, për shkak të thyerjes së heshtjes zgjedhore, për Zgjedhjet e Parakohshme për Kuvendin e Republikës së Kosovës të datës 06.10.2019, në seancën e panelit të mbajtur më datë.06.10.2019, mori këtë:

### V E N D I M

**Pranohen** të bazuara ankesat e evidentuara si: Anr.264/2019, dhe Anr. 273/2019, të dyja të datës 05.10.2019, të paraqitura nga Organizata Joqeveritare BIRN dhe Internews Kosova, me seli në Prishtinë, dhe koalicionit NISMA-AKR-PD, me seli në Prishtinë, i shqiptohet gjobë, në lartësi prej 900.00 ( nëntëqind) euro, për shkak të vazhdimit të sponzorimit të fushatës zgjedhore në rrjetin social “Facebook”, edhe në ditën e heshtjes zgjedhore, të cilën shumë, subjekti politik detyrohet ta paguaj në afat prej 15 (pesëmbëdhjetë) ditëve, nga dita e pranimit të këtij vendimi **nën kërcënim të përmbarimit**.

### A r s y e t i m

Me datë 05.10.2019, PZAP-i ka pranuar ankesat Anr.264/2019, dhe Anr.273/2019, nga Organizata Joqeveritare BIRN dhe Internews Kosova, me seli në Prishtinë, paraqitur kundër koalicionit NISMA-AKR-PD, me seli në Prishtinë, në të cilat pretendon se përmes Facebook Ad Library, në llogarinë zyrtare në facebook të kandidatëve për deputet nga radhët e koalicionit NISMA-AKR-PD, me seli në Prishtinë, Vesel Makolli dhe Islam Pacolli, është bërë fushatë në rrjetin social Facebook në ditën e heshtjes zgjedhore. Me këtë rast paraqitësi i ankesës thekson se është bërë shkelje e Ligjit për Zgjedhjet e Përgjithshme, Rregullave Zgjedhore dhe Kodit të Mirësjelljes. Parashtruesi i ankesave si provë ka bashkangjitur fotografi të printuara në cilësi të provave materiale.

Në përgjigje në ankesë, të datës 06.10.2019, koalicioni NISMA-AKR-PD, ka theksuar se materialet, të cilat paraqitësi i ankesës pretendon se janë aktive në llogaritë e facebook-ut, të kandidatëve për deputet nga radhët e këtij koalicioni, janë publikuar më herët, respektivisht gjatë periudhës së fushatës zgjedhore, para hyrjes në periudhën e heshtjes zgjedhore, duke shtuar se materialet të cilat janë bërë “sponsered”, të njëjtat janë shpërndarë dhe nuk mund të kontrollohen si të tilla, duke e kundërshtuar objektin e ankesës me argumentet e mësipërme.

Paneli, pasi që shqyrtoj ankesat vlerësoi se:

### **Ankesat janë të bazuara**

Paneli paraprakisht ka vlerësuar se ankesat: Anr.264/2019, dhe Anr.273/2019, të dyja të datës 05.10.2019, janë për nga përmbajtja të njëjta, për nga natyra e shkeljes së pretenduar janë të njëjta, paraqitës i të gjitha ankesave është Organizata Joqeveritare BIRN dhe Internews Kosova, me seli në Prishtinë, dhe poashtu të njëjtat janë paraqitur kundër subjektit të njëjtë politik, respektivisht koalicionit NISMA-AKR-PD, me seli në Prishtinë, prandaj Paneli bazuar në nenin 8 paragrafi 3 të Rregullave dhe Procedurave Nr.02/2015, të PZAP-it, në të cilën përcaktohet se: *“Me qëllim të lehtësimit të shqyrtimit të ankesave kryesuesi i panelit vendimmarrës mund të vendos ta bëjë bashkimin e ankesave që përmbajnë në vete çështje të ngjashme dhe se ato ankesa të trajtohen me një vendim”*, andaj Paneli bëri bashkimin e ankesave dhe për të njëjtat vendosi me një vendim, si në dispozitiv të këtij vendimi.

Paneli, konform dispozitës në nenit 8 par.5 të Rregullave dhe Procedurave të PZAP-it, ndërmori hetim lidhur me pretendimet e paraqitësit të ankesës, dhe gjeti se të njëjtat janë të bazuara, për faktin se në llogaritë e Facebook-ut të lartëcekura, ashtu siç pretendon paraqitësi i ankesës, në ditën e heshtjes zgjedhore dhe në ditën e votimit janë hasur reklama politike aktive, të cilat promovojnë koalicionin NISMA-AKR-PD dhe kandidatët për deputet nga radhët e këtij subjekti politik, ku me këtë veprim kanë bërë thyerjen e heshtjes zgjedhore.

Paneli, vendimin e tij e mbështet në dëshmi të qarta dhe bindëse, konform nenit 117 par.3 të LZP-së, andaj nuk i mori parasysh pretendimet e paraqitësit të përgjigjes në ankesë, pasi që nga ana e tyre nuk u ofrua ndonjë dëshmi e cila argumenton pretendimet e tyre.

Andaj PZAP-i, duke marr parasysh këtë, si dhe në mbështetje të dispozitave ligjore të LZP-së, konstaton se koalicioni NISMA-AKR-PD, me seli në Prishtinë, është përgjegjës për veprimet e tija, pasi që me veprimet e lartëcekura ka shkelur nenin 36 paragrafi 1 pika b) të LZP-së, që përcakton veprimet e ndaluara para procesit të votimit ku thuhet se 24 orë para hapjes së Qendrave të Votimit për hedhjen e votës, deri në mbylljen e tyre, subjekteve politike, mbështetësve ose kandidatëve të tyre u ndalohet bërja e fushatës në çfarëdo mënyre.

Paneli mbi bazën e të dhënave të lartëcekura e në mbështetje të nenit 120.1 pika c) dhe nenit 118.1 të LZP-së, vendosi si në dispozitiv të këtij vendimi.

**Paneli Zgjedhor për Ankesa dhe Parashtresa**  
Anr.264/2019 më datë 06.10.2019

Kryesues i Panelit  
Fejzullah Rexhepi



**Këshillë juridike:** Kundër këtij vendimi nuk lejohet ankesa konform nenit 118.4 të LZP-së.